


土岐文庫

文庫17

W71

1



10

15

20

元詩別裁

集

經綸

堂藏板

昭和六十年
土岐善庵氏寄

010185194197

元詩選本自蘇天爵文類詩以下不
及數家或傳或微迨我

朝顧太史廣搜博採秀野草堂所刻
號為極富然意主於備一代之文獻
雖稍已汰繁蕪而存雅正若乃別裁
去取精之又精俾學者由是而之焉

元詩序

循元詩盛軌弗墜唐音而溯源於風
騷漢魏則猶有待也人謂元詩纖弱
遜宋此未究元人大全適為一方之
論也遺山未嘗仕元而巨手開先冠
絕於時固不必言至如趙虞楊范皆
卓然成家為正宗晉卿道傳代興無
愧其餘騁奇鬪麗不一而足掇錦囊
之逸藻嗣玉溪之芳韻又非獨鴈門
鐵崖已也蓋宋詩末流之弊也為粗
率為生硬元詩則反是欲抹宋詩流
弊舍元曷以哉讀百一鈔瀾瀾乎洋
洋乎氣格聲調進乎古矣正變以攬

諸公之長故不隘出入畧以三唐為
 準故不濫殆韋相序又元集所云金
 盤餐沆瀣花界食醍醐者即學者由
 是而之焉循元詩盛軌弗墜唐音而
 溯源於風騷漢魏則是鈔豈惟足以
 供咏吟資擗摛而已時

乾隆甲申嘉平月耐菴沈鈞德序

元詩別裁目錄

卷一 五言古

元好問 十首

戴表元 一首

黃庚 一首

趙孟頫 二十首

貢奎 一首

虞集 一首

揭傒斯 二首

黃潛 一首

薩都刺 一首

貢師泰 二首

延賢 一首

吳師道 三首

周權 三首

許謙 一首

余闕 一首

陳高 二首

周伯琦 一首

陳基 二首

張憲 一首

楊維禎 一首

倪瓚 十首

王逢 一首

錢選 一首

陳孚 二首

何中 十首

傅若金 二首

黃清老 二首

劉詵 二首

戴良 五首

謝應芳 一首

甘復 二首

李序 一首

卷二 七言古

元好問 九首

尹廷高 一首

郝經 二首

馬祖常 一首

曹伯啟 二首

虞集 三首

范梈 二首

揭傒斯 二首

黃潛 一首

薩都刺 四首

宋元 二首

廼賢 一首

吳萊 二首

吳師道 一首

卷三 七言古

周權 一首

岑安卿 一首

胡天游 一首

周伯琦 一首

張憲 二首

楊維禎 二首

張昱 一首

倪瓚 一首

周霆震 一首

楊奐 一首

陳孚 三首

傅若金 一首

王士熙 一首

成廷珪 二首

劉永之 一首

謝應芳 一首

汪克實 一首

朱希晦 一首

周砥 一首

卷四 五言律

元好問 四首

方回 一首

戴表元 一首

黃庚 四首

元詩 金

尹廷高一首

趙孟頫二首

袁桷一首

馬祖常一首

貢奎一首

許有壬一首

虞集一首

范梈一首

揭傒斯二首

黃潛三首

柳貫四首

薩都刺六首

宋无五首

張翥一首

迺賢一首

吳師賢一首

周權一首

方淵一首

虞琦一首

黃鎮成一首

周伯琦三首

張憲一首

倪瓚四首

郭鈺二首

葉顥一首

丁鶴年一首

白斑一首

龔璘一首

吾邱衍一首

楊奐一首

何中五首

傅若金三首

元詩

目錄

四

雅琥一首

成廷珪三首

劉訖一首

薛漢一首

吳景奎一首

曹文晦一首

郊韶二首

劉永之一首

金涓一首

麻革一首

盧摯一首

陳德永一首

潘純一首

許恕一首

瞿智一首

卷五 七言律

元好問六首

劉因二首

牟獻一首

戴表元二首

方夔三首

熊鉅一首

陳深一首

袁易三首

郝經二首

王惲一首

程鉅末一首

吳澄一首

元淮一首

趙孟頫十首

袁 嶠 二首

馬祖常 三首

張養浩 一首

虞 集 三首

楊 載 三首

范 梈 一首

揭傒斯 二首

黃 潛 五首

柳 貫 六首

薩都刺 五首

宋 无 一首

陳 旅 二首

張 翥 五首

貢師泰 四首

迺 賢 一首

謝宗可 一首

吳師道 一首

周 權 二首

袁士元 一首

黃鎮成 一首

鄭元祐 一首

周伯琦 二首

陳 基 一首

張 憲 一首

楊維禎 六首

卷六七言律

張 昱 六首

倪 瓚 六首

郭 鈺 三首

王 逢 七首

葉顥一首

錢惟善一首

段克己一首

段成己一首

仇遠五首

白珽一首

楊果一首

陳孚四首

鄧文原二首

李材一首

何中一首

于石四首

傅若金十三首

宋本一首

宋 鞏四首

王士熙二首

雅 琥一首

成廷珪三首

黃清老一首

丁復一首

韓 性一首

郊 韶二首

劉永之一首

謝應芳二首

朱希晦一首

麻 革一首

楊雲鵬一首

陳 普一首

郭麟孫一首

柯九思二首

李 裕一首

吳 訥一首

元詩

目錄

六

方行一首

潘純二首

周砥一首

周棊二首

許恕二首

陸仁一首

卷七 五言排律 五言絕 七言絕

馬祖常一首

楊載一首

宋无一首

陳旅一首

周伯琦一首

王逢一首

陳孚一首

傅若金二首

雅琥一首

李裕一首

卷八 五絕

元好問四首

牟獻一首

揭傒斯一首

薩都刺二首

龔璠一首

高克恭一首

郭翼一首

七絕

元好問六首

李俊民二首

劉因一首

方回一首

黃庚一首

耶律楚材一首

劉秉忠二首

許衡一首

元淮一首

趙孟頫二首

趙雍二首

袁桷二首

許有壬一首

楊載一首

范梈二首

歐陽系一首

薩都剌三首

宋元二首

周權二首

朱德潤一首

洪希文一首

王翰一首

鄭元祐一首

倪瓚一首

顧瑛二首

陳孚一首

高克恭一首

郭天錫一首

傅若金一首

王士熙四首

吳鎮一首

黃公望一首

黃清老一首

王冕一首

郊韶一首

貢性之四首

朱希晦一首

曹之謙一首

周馳一首

繆鑑一首

柯九思一首

彭炳一首

汪澤民一首

陳秀民一首

高明一首

周砥一首

補遺

五古

趙孟頫一首

范梈一首

揭傒斯一首

黃潛七首

柳貫一首

貢師泰一首

趙賢一首

周權一首

余闕二首

鄭祐一首

郭麟孫一首

盧摯一首

柯九思一首

高明二首

周砥一首

倪瓚一首

葉顥一首

陳孚一首

何中一首

七古

馬祖常一首

范梈一首

揭傒斯一首

薩都刺二首

張翥一首

許謙一首

陳基一首

張憲二首

卞思義一首

潘純一首

楊維禎一首

張昱一首

郭珏一首

五律

方夔一首

黃潛二首

周權一首

余闕一首

陳高一首

倪瓚一首

何中一首

七律

黃庚一首

張蒼浩一首

虞集二首

楊載一首

黃潛二首

薩都刺一首

宋无一首

張翥一首

貢師泰一首

廼賢一首

吳師道二首

許謙一首

陳基二首

馮子振一首

陳雷一首

張昱一首

倪瓚一首

吳景奎一首

郭珏一首

葉顥二首

仇遠一首

陳孚二首

戴良一首

周霆震一首

錢惟善二首

李孝光三首

馬臻一首

張雨一首

七絕

柳貫一首

薩都刺三首

元詩

目錄

十一

楊維禎一首

惟則一首

楊維禎一首
 惟則一首
 姚培謙述齋
 張景星二銘點閱
 王永祺補堂
 元好問
 箕山
 幽林轉陰嵯鳥道人跡絕許君棲隱地唯
 有太古雪人間黃屋貴物外祇自潔尚厭
 元詩
 五古



元詩別裁卷一

姚培謙述齋

張景星二銘點閱

王永祺補堂

五言古

元好問

箕山

幽林轉陰嵯鳥道人跡絕許君棲隱地唯
 有太古雪人間黃屋貴物外祇自潔尚厭
 元詩
 五古

一瓢喧重負。寧所屑。降衷均義稟。汨利忘
 智決得隴。又望蜀。有濟安用薛。干戈幾蠻
 觸。宇宙日流血。魯車蹈東海。夷齊采薇蕨
 至今陽城山。衡華兩邱垤。古人不可作。百
 念肝肺熱。浩歌北風前。悠悠送孤月。

嶽山置酒

同內翰馬丈叔獻雷兄
希顏賦詩分韻得賓字

靈。肅清曉。細柏含古春。人言王子喬。鶴
 馭此上賓。白雲山蒼蒼。平田木欣欣。登高

覽元化。浩蕩融心神。西望洛陽城。大路通
 平津。行人細如蟻。擾擾爭紅塵。蓬萊風濤
 深。鬢毛日夜新。殷勤一杯酒。媿爾雲間人。

光武臺

東南地上游。荆楚兵四衝。遊子十月來。登
 高送長鴻。當年赤帝孫。提劍起蒿蓬。一顧
 潢水斷。再顧新都空。雷霆萬萬古。青天看
 飛龍。巍然此遺臺。落日荒煙重。誰見經綸

元詩

卷一

初指揮走羣雄。白水日夜東。石麟幾秋風。
空餘廣武歎。無復雲臺功。

傾亭留別

同李治仁卿張肅子敬王元亮子正分韻得畫字

故人重分攜。臨流駐歸駕。乾坤展清眺。萬
景若相借。北風三日雪。太素秉元化。九山
鬱崢嶸。了不受陵跨。寒波淡七七。起白鳥。悠
悠下懷歸。人自急物態。本閑暇。壺觴負吟
歌。塵土足悲陀。回首亭中人。平林澹如畫。

懸亭

春物已清美。客懷自幽獨。危亭一徘徊。脩
然若新沐。宿雲淡野川。元氣浮草水。微茫
盡楚尾。平遠疑杜曲。生平遠遊賦。吟諷心
自足。竭來著世網。抑抑就邊幅。人生要適
情。無榮復何辱。乾坤入望眼。容我謝羈束。
一笑白鷗前。春波動新綠。

出京

史院得告歸嵩山侍下

元詩

卷一

五古

三

從官非所堪長告欣得請驅馬出國門白
日觸隆景半生無根著飄轉如斷梗一昨
隨牒來六月阻歸省城居苦湫隘羣動日
蛙鼃慙媿山中人團茅遂幽屏塵泥久相
澆夢寐見清潁矯首孤雲飛西南路何永
鳥喚長往我無元豹姿謾有紫霞想回首

少林

雲林入清樾禪房坐蕭爽澄泉潔餘習高
山中雲靈芝口應長

劉曲龍潭

層冰積浩蕩陵谷低吞吐窈窕轉幽壑突
兀開淨宇回頭山水縣亦復墮塵土孤雲
鐵梁北宇宙一仰俛風景初不殊川塗忽
修阻寒潭海眼淨黝黑白太古蟄龍何年
臥萬國待霖雨誰能裂蒼岬雷風看掀舉

山中人歲旱則轉大石入潭
中以駭龍瞬息致雨故云

元詩

卷一五古

四

龍門雜詩

石樓繞清伊。塵土天所限。人言無僧久。草
滿不復刈。灘聲激悲壯。山意出高蹇。當年
香山老。挂冠遂忘返。高情留詩軸。清話入
禪版。誰言海山去。蕭散仍在眼。溪寒不可
涉。倚杖西林晚。

曉發石門渡湍水道中

水經湍音專

陳星澹秋明。陰霞綸朝映。積雨成坐愁。晨

光動幽巖。石門歸馭引。湍浦漁舫並。曠蕩
萬景新。歸藏四山靜。平湖風漪綠。遠岫秋
沙淨。洋洋游魚逝。汎汎輕鷗泳。隱顯乖夙
心。感遇見真性。倦遊時自憶。違已將安竟。
憂端從中來。茫茫發孤詠。

宿福海寺

戴表元

斷巖蒼龍角。汲流紫雲根。道人不絕俗。自
然無耳喧。屋脊挂修嶺。一日過千轅。此中

但高臥松風有清言聽之亦無有風定松
在門炊成我欲去獨鶴鳴朝暎

約王琴所不來舟中偶成

黃庚

清颺捲炎埃碧水出秋素迢迢見山亭回
首隔煙靄酒甯颺漁郭笳鼓響軍成倚蓬
間舟人云是三江路離落雞欲棲野水牛
已渡釣翁吹荻煙稚子收漁具抱琴人不

來殘陽在高樹

張善喜詠初亭

趙孟頫

青山繚神京佳氣溢芳甸林亭去天咫
蕩狀爭自獻年多嘉禾合春晚餘花殿雕闕
留戲蝶藻井語嬌燕退食鳴玉珂友于此
終宴鍾鼓樂清時衣冠集羣彥朝市塵得
侵圖書味方遠紛華雖在眼道勝安用戰
初心良已遂雅志由此見何事江海八山

元詩
卷一
六
林未如願

題耕織圖二十四首奉懿旨撰

田家重元日置酒會鄰里小大易新衣相
戒未明起老翁年已邁含笑弄孫子老嫗
惠且慈白髮披兩耳杯盤且羅列飲食致
甘旨相呼團欒坐聊慰衰莫齒曰曉藉人
力糞壤要鋤埋新歲不敢閑農事自茲始

正月

東風吹原野地凍亦已消早覺農事動荷
鋤過相招遲遲朝日上炊煙出林梢土膏
脈既起良耜利若刃高低徧翻壅宿草不
待燒幼婦頗能家井臼常自操散灰緣舊
俗門徑環周遭所冀歲有成殷勤在今朝
二月

良農知土性肥瘠有同時至萬物生芽
孽由地中秉耒向畝畝然徧西與東舉家

元詩

卷一 五古

七

往于田。勞瘁在爾。農春雨及時降。被野何
濛濛。乘茲各播種。庶望西成功。培根利秋
實。仰天望年豐。但使陰陽和。自然倉廩充。
三
孟夏土加潤。苗生無近遠。漫漫冒淺陂。荒
芄被長阪。嘉穀雖已殖。惡草亦滋蔓。君子
與小人。竝處必為患。朝朝荷鋤往。薶薶忘
疲倦。且隨烏雀起。歸與牛羊晚。有婦念將

飢過午可無飯。一飽不易得。念此獨長歎。

四
月

仲夏苦雨乾。二麥先後熟。南風吹隴畝。惠
氣散清淑。是為農夫慶。所望實其腹。酤酒
醉比鄰。語笑聲滿屋。紛然收穫罷。高廩起
相屬。有周成王業。后稷播百穀。皇天貽來
牟。長世自茲卜。願言仍歲稔。四海盡蒙福。

五
月

元詩

卷一 五古

當○晝○耘○水○田○農○夫○亦○良○苦○赤○日○背○欲○裂○白○
汗○灑○如○雨○匍○匐○行○水○中○泥○淖○及○腰○背○新○苗○
抽○利○劍○割○膚○無○痛○楚○夫○耘○婦○當○饑○犇○走○及○
亭○午○無○時○暫○休○息○不○得○避○炎○暑○誰○憐○萬○民○
食○粒○粒○非○易○取○願○陳○知○稼○穡○無○逸○傳○自○古○

月六

大火既西流涼風日淒厲古人重稼穡力
田在匪懈郊行省農事禾麥何旆旆碾以

他山石玉粒使人愛大祀須菜盛一一稽
古制是為五穀長異彼稊與稗炊之香且
美可用享上帝豈惟足食衣一飽有所待

月七

白露下百草莖葉日紛委是時禾黍登充
積徧都鄙在郊既千庾入邑復萬軌人言
田家樂此樂誰可比租賦以輸官所餘足
儲峙不然風雪至凍餒及妻子優游茅檐

元詩

卷一

九

下。庶可以卒歲。太平元有象。治世乃如此。

八月

大家饒米麩。何啻百室盈。縱復人力多。春磨常不停。激水轉大輪。禮碾亦易成。古人有機智。用之可厚生。朝出連百車。莫入還滿庭。勾稽數多寡。必假布算精。小人好爭利。晝夜心營營。君子貴知足。知足萬慮輕。

九月

孟冬農事畢。穀粟既已藏。彌望四野空。藁秸亦在場。朝廷政方理。庶事和陰陽。所以頻歲登。不憂旱與蝗。置酒燕鄉里。尊老列上行。肴羞不厭多。魚羔復烹羊。縱飲窮日夕。為樂殊未央。禱天祝聖人。萬年長壽昌。

十月

農家值豐年。樂事日熙熙。黑黍可釀酒。在牢羊豕肥。東鄰有一女。西鄰有一兒。兒年

元詩

卷一

五古

十

三五言
卷一
十五六。女大亦可笄。財禮不求備。多少取
隨宜。冬前與冬後。昏嫁利此時。但願子孫
多。門戶可扶持。女當力蠶桑。男當力耘耔。
十一月十一日。不力作。一日食不足。慘淡歲云暮。風
雪入破屋。老農氣力衰。偃僂腰背曲。索綯
民事急。晝夜互相續。飯牛欲牛肥。藁亦
預蓄寒。驢雖劣。弱挽車致百斛。農家極勞

苦歲。豈恒稔熟能知。稼穡艱天下。自蒙福
月十二

右耕

正月新獻歲。最先理農器。女工竝時興。蠶
室臨期治。初陽力未勝。早春尚寒氣。窓戶
當與密。勿使風雨至。田疇耕耨動。敢不修
耒耜。經冬牛力弱。相戒勤飯飼。萬事非預
備。倉卒恐不易。田家亦良苦。舍此復何計。

元詩

卷一 五古

正月

仲春凍初解。陽氣方滿盈。旭日照原野。萬物皆欣榮。是時可種桑。插地易抽萌。列樹徧阡陌。東西各縱橫。豈容籬落間。採葉憚遠行。大哉皇元化。四海無交兵。種桑日已廣。彌望綠雲平。匪惟錦綺謀。祇以厚民生。

二月

三月蠶始生。纖細如牛毛。婉孌閨中女。素

手擗金刀。切葉以飼之。攤紙散周。遭庭樹鳴黃鳥。發聲和且嬌。蠶飢當採桑。何暇事遊遨。田時人力少。丈夫方種苗。相將挽長條。盈筐不終朝。數口望無寒。敢辭終歲勞。

三月

四月夏氣清。蠶大已屬眠。高首何昂昂。蛾眉復娟娟。不憂桑葉少。徧野如綠煙。相呼攜筐去。迢遞立遠阡。梯空伐條枚。葉上露

未乾蠶飢當早歸。秉心靜以專。飭躬修婦事。僶勉當盛年。救忙多女伴。笑語方喧然。

四

五月夏以半。谷鶩先弄晨。老蠶成雪繭。吐絲亂紛紛。紵伐葦作薄。曲束縛齊榛。榛黃者黃。如金白者白。如銀爛然滿筐筥。愛此顏色新。欣欣舉家喜。稍慰經時勤。有客在過問。笑聲聞四鄰。論功何所歸。再拜謝蠶神。

三

釜下燒桑柴。取繭投釜中。織織女兒手。抽絲疾如風。田家五六月。綠樹陰相蒙。但聞繰車響。遠接邨西東。旬日可經絹。弗憂杼軸空。婦人能蠶桑。家道當不窮。更望時雨足。二麥亦稍豐。酤酒田家飲。醉倒媪與翁。六月暑尚熾。長日弄機杼。頭蓬不暇梳。揮

元詩
卷一
三
手汗如雨。嚶嚶待鳥鳴。灼灼紅榴吐。何心
娛耳目。往來忘僮僕。織為機中素。老幼要
紉補。青燈照夜梭。蟋蟀窓外語。辛勤亦何
有。身體衣幾縷。嫁為田家婦。終歲服勞苦。

月七

池水何洋洋。漚麻水中央。數日庶可取引
過。兩手長織絹。能幾時。織布已復忙。依依
小兒女。歲晚嘆無裳。布襦不掩經。念之熱

申腸朝緝滿一籃。莫緝滿一筐。行看機中

布計日漸可量。我衣苟已成。不憂天早霜。
月八

季秋霜露降。凜凜寒氣生。是月當授衣。有
布織未成。天寒催刀尺。機杼可無營。教女
學紡繡。舉足疾且輕。含南與舍北。嚶嚶聞
車聲。通都富豪家。華屋貯罽綉。被服雜羅
綺。五色相間明。聽說貧家女。惻然當動情。

元詩

卷一

五古

五

九月

豐年禾黍登農心稍逸樂小兒漸長大終
歲荷鋤鑿目不識一字每念心作惡東隣
方迎師收拾令上學後月日南至相賀因
舊俗為女裁新衣修短巧量度龜手事塞
向庶禦北風虐人生真可嘆至老長力作

十月

冬至陽來復草木漸滋萌君子重其然吾

十一月

道自此亨父母坐堂上子孫列前榮再拜
稱上壽所願百福并人生屬明時四海方
太平民無札瘥者厚澤敷羣情衣食苟給
足禮義自此生願言興學校庶幾教化成
忽忽歲將盡人事可稍休寒風吹桑林日
夕聲颼颼牆南地不凍墾掘為坑溝斫桑
埋其中明年芽早抽是月浴蠶種自古相

傳流蠶出易脫殼絲繭亦倍收及時不勞
力知有來歲不手凍不足惜莫免號寒憂
月十二 右織

題陳氏所藏著色山水圖

貢奎

獨臥曉慵起夢中千萬山推窗煙雲滿一
笑咫尺間嫋嫋美人妝金碧粲笄髮素波
淨如鏡綠蘋點溪灣美哉筆墨工貌此意

度關孤禽立圓沙漁舟遠來還我方厭園
市坐對忘朝餐安得林下扉深居長掩關

赤城館

虞集

雷起龍門山雨灑赤城觀蕭瑟山木高浩
蕩塵路斷魚龍喜新波燕雀集虛幔開戶
微風興倚杖衆雲散

山水卷

揭傒斯

稍稍雲木動藹藹煙峰亂遠浦引歸橈雙

嵯臨絕岼方思隱淪客。欲結漁樵伴水澗。
山更遙幽期空汗漫。

重餞李九時殺賊得南樓月

娟娟臨古戍。晃晃辭煙樹。寒通雲夢深。白
映蒼祠莫。胡牀看逾近。楚酒愁難駐。鴈背
欲成霜。林梢初泣露。故人明夜泊。相望定
何處。且照東湖歸。行送歸舟去。

遊西山同頊可立宿靈隱西菴

黃潛

薄游厭人境。振策窮幽躅。理公所開鑿。遺
跡在巖麓。秋砂霜葉丹。石面寒泉綠。仰窺
條上猿。攀蘿去相逐。物情一何適。人事有
羈束。却過祝峰迴。遙望松林曲。前山夜來
雨。濕雲漲岼谷。縹緲辨朱甍。禪房帶修竹。
故人丹邱彦。抱被能同宿。名篇聊一詠。異
書欣共讀。蹉跎未聞道。龜勉尚干祿。夙有

邱壑期吾居幾時中。

秋日池上

薩都刺

顧茲林塘幽。消此閑日永。飄風亂萍踪。落葉散魚影。天清曉露涼。秋深藕花冷。有懷無與言。獨立心自省。

遣懷

貢師泰

日入柳風息。月上花露多。東軒頗幽。夜靜時。過鳥散庭中。樹蟲鳴階下。北斗

何低昂。疎星沒橫河。獨賞誰晤語。感慨成悲歌。懷哉巖桂臺。邈在姑山阿。

姑孰道中

朝發慈姥山。莫宿吳公橋。日入氣猶溽。清懷厭煩囂。隔江風雨至。綠樹涼蕭蕭。鄰舟頗相好。有酒忽見招。明發波浪濶。相望一何遙。

賦環波亭送楊校勘歸豫章

積水敞華構。參差帶幽壑。微風動輕蘋。綠
雲泛珠箔。天空夕陰斂。川迴游鱗躍。徘徊
滄洲夢。露下翠衾薄。公子屬鳴珮。逍遙陟
延閣。微吟省樹移。緩步庭花落。放舟返春
渚。言恣林泉樂。揮觴靡可留。悵望青山郭。

德興開化道中三首 吳師道

春晨氣澄穆。雜卉香滿路。百舌鳴高林。墟

煙淡如霧。農夫啟門出。在野各有務。行人
獨何為。撞撞自來去。

宿雲逗疎雨。曖曖吐晨旭。晴光動千花。霞
雪眩川谷。白鷗戲深叢。黃鳥鳴灌木。俛仰
竟忘疲。歷此溪百曲。

兩崖蒼石間。湍水激清瀉。山桃爛紅芳。光
影連上下。春風忽怒起。意乃媚行者。飛花
撲人來。攬之欲盈把。

夏日偕友晚步飲聽泉軒

周權

終日局環堵散策窮深幽嘉我二三子落
落誠罕儔適意隨所詣行行遂經邱青松
如高人含風自蕭颺夕雲度深翠爽氣衣
上浮石根瀉幽泉曼曼鏘琳球樂彼泉上
趣幽構飛岑樓新闌秀而滋舊竹清且修
欵我情頗厚清尊頻獻酬盤桓有餘樂嘯
傲成遲留池深風露香荷意淡欲秋飲散
衆喧息微月生林陬

接竹引泉

蒼澗隱石脈幽源迸山椒連筒入雲竇勢
接河漢遙引茲一線秋高下穿林梢聯絡
鳥相挂旋折不辭勞挽之歸我廬晴雨注
屋茆乍室或細細久續俄嘈嘈空階落琴
筑虛甕鳴鈞韶鹽滷足自潔心迹良已超

固無鼎釜珍。頗煮溪澗毛。未能學許由。厭
喧解風瓢。

湘中

天寒楚雲淨。木落湘山幽。空江夜來雨。水
滿蘆花洲。西風何渺渺。滄波日悠悠。有懷
誰與言。注目孤鴻秋。

莫過東津館

許謙

薄莫下東津。灘急舟劇箭。漁燈互明滅。隴

月時隱見。清颺從東來。涼氣襲我面。目送
兩山青。天長淨如練。

歲首自廣陵入高郵舟中作

陳高

北風吹湖水。遠行當歲徂。孤舟無同人。相
依唯僕夫。遥睇高郵城。彷彿十里餘。落日
去地遠。飛鴈與雲俱。悠悠思故鄉。邈在天
南隅。慈親倚門望。我身猶道途。羈旅豈足

元詩

卷一 五古

言 卷一 三
悔。但念骨肉疎。何當脫行路。歸臥山中廬。

種樟花

炎方有樟樹。衣被代蠶桑。舍西得閑園。種之漫成行。苗生初夏時。料理晨夕忙。揮鋤向烈日。灑汗成流漿。培根澆灌頻。高者三尺強。鮮鮮綠葉茂。燦燦金莢黃。結實吐秋繭。皎潔如雪霜。及時以收斂。采采動盈筐。緝治入機杼。裁翦為衣裳。禦寒類挾纊。老

稚免淒涼。豪家植花卉。紛紛被垣牆。子世竟何補。爭先翫芬芳。棄取何相異。感物增惋傷。

野狐嶺

嶺界南北甚寒。南下平地則暄矣。

周伯琦

高嶺出雲表。白晝生虛寒。冰霜四時凜。星斗咫尺攀。其陰控朔部。其陽接燕關。澗谷深叵測。梯磴紆百盤。坳垤草披拂。崎嶇石

嶺坑輪蹠紛雜還我馬習以安。恍然九天
 上。熙熙俯人寰。連岡東重隘。拱揖猶城垣。
 停鞭履平地。回首勢望尊。絲衣遂頓減。長
 途汗流鬪。亭柳蔭古道。園果登御筵。境雖
 居庸北。物色幽薊前。始悟一嶺隔。氣候殊
 寒暄。小邑名宣平。相距兩舍間。牛羊歲蕃
 息。土沃農事專。野人敬上官。柴門莫款延。
 休養嘉承平。禹迹邁古先。漢唐所羈縻。今

則同中原大哉輿地圖。垂創何其難。張皇
 我六師。金湯水深堅。

分署望鳳凰山

陳基

秋氣日以佳。微雲不成雨。青山天際來。與
 我為賓主。飛龍及舞鳳。突兀在庭戶。須臾
 霧靄收。草樹粲堪數。寒子麋鹿安。詎意嬰
 圭組。蹙縮匪天真。馳馳漫塵土。偶坐屬無
 喧。晴容湛空宇。欲去復踟躕。此意誰當與

夏夜懷李尚志

蟋蟀已在壁。煩暑猶未歇。離居感時序。憂
端難斷絕。綠樹含微風。明河湛秋月。念子
行未歸。徘徊至明發。

胡姬年十五。擬劉越石。張憲

胡姬年十五。芍藥正含葩。何處相逢好。并
州賣酒家。面開春日滿。眉抹遠山斜。一笑
既相許。何須羅扇遮。

送客洞庭西

楊維禎

送客洞庭西。雷堆青兩兩。陳殿出空明。吳
城連蒼莽。春隨湖色深。風將潮聲長。楊柳
讀書堂。芙蓉採菱懷。人故未休望。望欲
成往。

春日雲林齋居

倪瓚

池泉春漲深。逕苔夕陰滿。諷詠紫霞篇。馳
情華陽館。晴嵐拂書幌。飛花浮茗盃。階下

松粉黃。窓間雲氣暖。石梁蘿葛垂。翳翳行踪斷。非與世相違。冥棲久忘返。

述懷

讀書衡茅下。秋深黃葉多。原上見遠山。被褐起行歌。依依墟里間。農叟荷蓑過。華林散精月。寒水澹無波。遐哉棲遁情。身外豈有它。人生行樂耳。富貴將如何。

丙子歲十月八日夜泊閭門將還溪

上有懷友仁陸徵君

明發辭吳會。移舟夜淹泊。空宇垂繁星。微雲暝前郭。沉沉抱冲素。悄悄傷離索。歸掃松逕苔。遲君踐幽約。

戊寅十二月丹邱柯博士過林下賦

詩次韻酬答

積雪被長坂。臥病守中林。山川雖云阻。舟楫肯見尋。傾蓋何必舊。相知亦已深。驚風

飄枯條清池冒重陰。聯翩雙黃鶴飛鳴綠
水邊。顧望思鬱紆。裴徊發悲吟。願言齊羽
戩。金石固其心。歡樂何由替。黃髮期滿簪。
已卯正月十八日與申屠彥德遊虎

邱得客字

余適偶入城。本是山中客。舟經二王宅。弔
古覽陳迹。松陰始亭午。嵐氣忽歛夕。欲去
仍裴徊。題詩滿苔石。

寄李隱者

南汀新月色。照見水中蘋。便欲乘清影。緣
源訪隱淪。君住鈿山湖。綠酒松花春。夢披
寒雪去。疑是剡溪濱。

對酒

題詩石壁上。把酒長松間。遠水白雲度。晴
天孤鶴還。虛亭映苔竹。聊此息躋攀。坐久
日已夕。春鳥聲闌闌。

早春對雨寄懷張外史

林臥苦泥雨。夢來不可絕。掀幃望天際。春風吹木末。飛蘿散成霧。細草綠如髮。念子獨高世。南山修隱訣。撫弄無絃琴。招邀青天月。神安形不凋。跡高行自潔。思之不可見。飢渴何由歇。願為鸞鵠翔南遊。携松靈

秋夜歎

王逢

大星芒鬣張小星光華開皇天示兵象勝

地今蒿萊河岳氣不分。獨龍安在哉。參贊道豈謬。積陰故遲回。疎風夜蕭蕭。野燐紛往來。安知非遊魂。相視白骨哀。汨汨飲馬窟。雲冥望鄉臺。于時負肝膽。慷慨思雄才。

題浮玉山居圖

錢選

瞻彼南山岑。白雲何翩翩。下有幽棲人。嘯歌樂徂年。叢石映清泚。嘉木澹芳妍。日月無終極。陵谷從變遷。神襟軼寥廓。興寄揮

五絃塵影一以絕招隱奚足言

煙寺晚鐘

陳孚

山深不見寺藤陰鎖修竹忽聞疎鐘聲白
雲滿空谷老僧汲水歸松露墮衣綠鐘殘
寺門掩山鳥白爭宿

春風如少年效程漢翁 何中

春風如少年狂逐無定處垂楊曲江隄細
草東郊路祗言今似昔不悟新非故流水

何時歸殘鶯數聲暮

招仙觀

逶迤溪南路窈窕招仙谷空堂兩道人殘
棋映深竹一葉響疎籬雙鴉唳高屋出門
隨歸人遠燒在山麓

知非堂夜坐

前池荷葉深微涼坐來爽人歸一犬吠月
上百蟲響余非冷隱淪隙地成偃仰林端

元詩

卷一

五

六

斗柄斜撫心獨悽愴

遊樂安穆山寺

秋陰出南郭。佳色來遠山。悠然渡野水。却宿前林間。朝氣銳幽步。相攜上孱顏。行穿綠蘿遠。其愛青杉閒。已窮高原路。忽得雙石關。飛煙帶香氣。深木藏幽潺。景晏鐘磬寂。桂花滿苔斑。道人一尊酒。時聽風珊珊。多悟從此始。塵緣諒能刪。空廊對微雨。亦復不知還。

發新塗金水亭

振衣上野航。回首謝山隈。日澹秋水空。風清片帆遠。沙光侵岸發。峰影隨人轉。前渡煙水深。離亭路今絕。

曉發辭夫嶼時李洞漑之先行

荻暗雜鳴蛙。平臯下殘月。參差鄰舫語。櫓聲帶潮發。露華望中白。蓬陰散秋髮。沙鳥

元詩 卷一
知曙鳩海雲上空滅。念我前行友。青山已
飛越。遲爾及相攜。無嗟賞心歇。

照武西塔山報恩寺

山椒敞禪局。幽欣失微倦。密林稍深泥。新
荀亦芻蕘。藉磴折迎空。香臺虛得清。轉芸芸
趨前塵。往往遺勝踐。始知佛力宏。能使地
靈見。市聲俯一席。山色照三面。郡小覽易
窮。興高賞難徧。微生諒何緣。周流散遐躋。

早起

覺來日已升。花梢衆禽語。何許白浮萍。池
間散還聚。起見梅已空。夜來幾更雨。魚行
春到水草暖。香在露溪上。人語喧樵薪。滿
沙路。

樞溪

林嶺甚可愛。溪源無盡時。山花已亂發。煙
暖東風遲。因與采樵者。坐談樹陰移。日斜

自歸緩我與非人知

樟樹鎮五公寺

久幽厭拘維暫弛欣舒散近關得禪扉擇
步歷倉鮮沉沉松陰重灑灑水光遠殘花
起鉢香乳禽響新囀虛廊清晝長高僧坐
談簡學空素所昧慮安還自遣移晷始知
歸生煙滿林晚

和趙德隆秋夕雨

傅若金

落景翳重城陰凝起初夕蕭條飛雨至散
漫輕颺激洒幌靜彌多喧窅息泉復息清商
亂急管遙忍生離席游子恒念鄉氣淒感
時易既興北風歎亦抱南山減晨雞不廢
度征鴈無寧翼嚮道乖夙期寸陰違所惜
詠歌良可與幽懷坐填積

題宜春鍾清卿清露軒

清卿能琴

秋氣集太虛夕光薄高樹時聞陰液隊去暗

識商飈度旄旄星動林英英月霏霧涼局
 息塵想幽琴寄元悟寂歷松上聲逍遙邱
 中趣釣天澹斜景銀漢藹微素古調今所
 稀大音誰能喻仙人飲沆瀣壽命金石固
 千歲不可期空歌徒延慕

訪子威都事不遇

黃清老

清曉抱綺綺來就夫君彈夫君久已出野
 水流花間石澗度微雨秋生湖上山松陰

坐永日心與雲俱閑人事有離台白鷗聊
 共還

福山菴

晨光海上來雲山升萬壑鷄鳴落花中殘
 鐘度城郭菴僧戴星出我自飯藜藿寧知
 天地心但有山水樂書燈夜搖動霧自侵
 几閣開扉得新月欲掩見棲雀煙霞暫相
 違筆硯庶有託但留松簡雪付與雙白鶴

庭柯換故葉。林竹脫新籜。何日芝蘭開。拏舟赴前約。

送范主一憲郎

劉誥

庸夫老邱里。志士輕山川。古來環轍人。往往皆才賢。范君繡衣家。白壁生藍田。清游半朔南。征衫積清煙。崇臺交辟剌。思親理歸船。吳州肯暫駐。風概傾四筵。揮毫走秋蚊。昨句紆春漣。清霜淨江波。冰花寒夏妍。

權謳催客發。風正帆始懸。翩翩鳳凰領。終當儀九天。

出墅初冬

鄰春五更動。機杼響俱發。薄霜厲曾宇。天西輾孤月。驛馬嘶不已。壁蛩鳴乍歇。故人期不來。山莊多落葉。

贈別呂用明

戴良

旅鴈薄霄遊。輕鷗掠水飛。相逢多間阻。所

向有高卑。偶此風雨過。解后洲渚。涓涓翩翩。
形影亂。噉噉鳴聲悲。日落水氣寒。月高風
景移。增繳發中流。又復夜驚離。回翔空有
志。棲宿定何時。飄飄天衢上。往慎子毛衣。

贈別祝彥明

悵望臨荒蹊。驅馳躑躅步。江紆練月初。山
標綵霞莫。天長路易迷。水深舟難渡。征人
去不息。倦僕立相顧。此時悲送君。安能髮
不素。

抵當陽宿縣治作

矣矣風蕩波。鱗鱗雲出岵。乘軺臨安道。指
景富春郭。是節春已暮。遙塗寒尚薄。并陽
對人掩。傾潤灑衣落。解鞍憩危巖。倚劍望
幽壑。飢禽聲固慘。哮虎勢尤惡。既暝入公
署。息念坐塵閣。俯思還浦魚。仰憶迴風鶴。
以之念鄉縣。臨觴不能酌。

宿高密

長途跋且涉。征車馳復息。曉日發東膠。落景次高密。城居不幾夕。驛舍僅容膝。僕馬立空曠。徒侶話曛黑。客情既牢落。世議復紛惑。前險雖幸過。後艱方未測。骨肉在遠道。親朋皆異域。縱云當別家。胡乃輕去國。明朝望鄉處。嗚咽淚霑臆。

湖下對雨有懷天淵老禪

空濛暗遙甸。浙瀝響高樹。乍繁林表來。復灑重湖去。蕭蕭孤興發。望望寒川莫。念與道人期。雲深不知處。

倪元鎮過婁江寓舍因偕智愚隱遊

姜公墩得如字

謝應芳

秋暑賈餘身。懷抱方焚如。故人江上來。風雨與之俱。遂令沸羹鼎。化為寒露壺。幽尋陟崇邱。飄飄素霞裾。同遊得名緇。吟嘯與

不孤大樹倚高蓋，小酌歡有餘。三江五湖
上羣峰，開畫圖。獨憐我鄉土，煙塵尚模糊。
安知艱虞世，得此暇日娛。一笑百慮忘，松
風奏笙箏。

宿山家

廿復

木落秋滿山，窓虛夜涼。集風吹海，月生露
沈苔衣。濕野客愛清冷，長瓢噴中流。

曉出西園由谷中歸

披褐入西園，煩襟散清曉。微風動高樹，零
露下芳沼。始行幽谷中，忽出青林杪。流水
漂餘花，修筠度啼鳥。身緣翠石迴，思逐白
雲杳。負杖孤賞懷，春闌綠陰情。

遠愁曲

李序

桃杏忽已殘，穠花逐流水。綠階日色重，芳
草青靡靡。飛燕銜落花，春風共吹起。飄散
不相知，愁心滿千里。

永詩

卷二

三

元詩別裁卷二

姚培謙述齋

雲間張景星二銘點閱

王永祺補堂

七言古

遊黃華山

元好問

黃華水簾天下絕我初聞之雪溪翁丹霞
翠壁高歡宮銀河下濯青芙蓉昨朝一遊

七古

亦偶爾更覺暮寫難爲功是氣天節已三
月山木赤立無春容湍聲洶洶轉絕壑雪
氣凜凜隨陰風懸流千丈忽當眼芥蒂一
洗平生胸雷公怒激散飛雹日脚倒射垂
長虹瓊珠百斛供一瀉海藏翻倒愁龍公
輕明圓轉不相礙變見融結誰爲雄歸來
心魄爲動蕩曉夢月落春山空手中仙人
九節杖每恨勝景不得窮攜壺重來囑下

宿道人尼納山樓紅

王右丞雪齋捕魚圖

江雲混混陰晴半沙雪離離點江岸畫中
不信有天機細向樹林枯處看漁浦移家
魏未能扁舟蕭散亦何曾白頭歲月黃塵
裏笑殺高人王右丞

泛舟大明湖待杜子不至

長白山前繡江水展放荷花三十里看山

元詩

卷二

水底山更佳。一堆蒼煙收不起。山從陽邱
西來青一彎。天公擲下半玉環。大明湖上
一杯酒。昨日繡江眉睫間。晚涼一襪東城
渡。水暗荷深若無路。江妃不惜水芝香。狼
籍秋風與秋露。蘭襟鬱鬱散芳澤。羅襪盈
盈見微步。晚晴一賦畫不成。枉著風標誇
白鷺。我時騁鸞追散仙。但見金支翠蕤相
後先。眼花耳熱不稱意。高唱吳歌叩兩舷。

喚取樊川搖醉筆。風流聊與付他年。

湧金亭示同遊諸君

太行元氣老不死。上與左界分山河。有如
巨鼇昂頭西入海。突兀已過滄坡陀。我從
汾晉來山之面目。腹背皆經過。濟源盤谷
非不佳。煙景獨覺蘇門多。湧金亭下百泉
水。海眼萬古留山阿。窟漈灑水源。澹淪晉
溪波。雲雷涵鬼物。窟宅深蛟鼉。水如簸弄

元詩

卷二

七古

明月幾地藏發泄天不訶平湖油油碧於
 酒雲錦十里翻風荷我來適與風雨會世
 界三日漫與羅山行不得山北望空長哦
 今朝一洗衆峰出千鬟萬髻高峨峨空青
 斷石壁微茫散煙蘿山陽十月未搖落翠
 裂雲旛相盪摩雲煙故爲出濃淡魚鳥似
 欲留婆婆石間仙人跡石爛跡不磨仙人
 去不返六龍忽蹉跎江山如此不一醉拊

擊笑殺公孫和長安城頭烏尾訛并州少
 年夜枕共舉杯爲問謝安石蒼生今亦如
 卿何元子樂安君其歌

天門引

秦王宮中不得近從破衡成欲誰信白頭
 遊客困咸陽顧顧黃金百斤盡海中仙人
 黃鶴舉大笑人間爭腐鼠丈夫何意作蘇
 秦六印才堪鑿兒女古來多爲虛名老不

見阿房淨如掃。千年虎豹守天門。一日牛
羊卧秋草。

湘夫人詠

木蘭芙蓉滿芳洲。白雲飛來北渚遊。千秋
萬歲帶鄉遠。雲來雲去空悠悠。秋風秋月
沉江渡。波上寒煙引輕素。九疑山高猿夜
啼。竹枝無聲墮殘露。

西樓曲

游絲落絮春漫漫。西樓曉暗花作團。樓中
少婦弄瑤瑟。一曲未終坐長歎。去年與郎
西入關。春風浩蕩隨金鞍。今年疋馬妾東
還。零落芙蓉秋水寒。并刀不剪東流水。湘
竹年年淚痕紫。海枯石爛兩鴛鴦。只合雙
飛便雙死。重城車馬紅塵起。乾鵲無端爲
誰喜。鏡中獨語人不如。欲插花枝淚如洗。

望雲謠

涉江采芙蓉。芙蓉待秋風。登山采蘭若。蘭
若霜且凋。美人亭亭在雲霄。鬱搖行歌不
可招。湘絃沉沉寫幽怨。愁心感亂如曳蘭。
金支翠蕤紛在眼。春草迢迢春波遠。

望歸吟

塞雲一抹平如截。塞草離離臥榆葉。長城
窟深戰骨寒。萬古牛羊飲冤血。少年錦帶
佩吳鉤。獨騎疋馬自封侯。去時只道從軍

樂不道。關山空白頭。北風吹沙雜飛雪。弓
弦有聲凍欲折。寒衣昨夜洛陽來。腸斷空
關擣秋月。年年歲歲望還家。此日歸期轉
未涯。誰與南州問消息。幾時重拜李輕車。

蘆溝望月

尹廷高

闌干澗漾晨霜薄。馬度石橋人未覺。滔滔
流水去無聲。月輪正挂天西角。千邨萬落
荒鷄鳴。大車小車相間行。停鞭立盡楊柳

影孤鴻滅沒青山橫

賢臺行

古黃金臺也土人稱為賢臺

郝經

高臺突兀燕山碧黃金泥多土猶濕曉日
曠曠赤羽旗燕王北面親前席費盡黃金
臺始成一朝拜隗人盡驚誰知平地幾層
土中有全齊七十城禮賢復雖燕始霸遂
與諸侯雄並駕七百年來不用兵一戰轟
然駭天下二城未了昭王殂火牛突出騎

劫誅臺上黃金少顏色惠王空讀樂毅書
古來燕趙多奇士用舍中間定與廢還聞
趙括代廉頗敗國亡家等兒戲燕子城南
知幾年臺平樹老漫荒煙莫言騏驎能干
里祇重黃金不重賢

桃源春草圖

為商德符學士

趙孟頫

宿雲初散青山濕落紅繽紛溪水急桃花
源裏得春多洞口春煙搖綠蘿綠蘿搖煙

挂絕壁。飛泉淙下三千尺。瑤草離離滿澗
阿長松落落。凌空碧。鷄鳴犬吠自成邨。居
人至老不相識。瀛洲仙客知仙路。點染丹
青寄輕素。何處有山如此圖。移家欲向山
中住。

楊花宛轉曲

馬祖常

空中遊絲已無賴。宛轉楊花猶百態。隨風
撲帳拂香奩。度水點衣紫錦帶。輕薄真狂
風。上下燕子鷺兒各新嫁。釵頭儘逐玉蟲
初。盆裏絲縷銀繭乍。欲落不落春草平。無
根無蒂作浮萍。瀨波繡苔總成媚。人間景
好是清明。清明艷陽三月天。帝里煙花市
酒船。石橋橫直人家好。小海白魚跳碧藻。
榆莢荷錢怨別離。不似楊花宛轉飛。楊花
飛盡綠陰合。更看明年春雨時。

陪諸公杖屨登梁王吹臺悠悠悼古

之情不能自已呈孟子周子文二友

天宇廓然秋已莫幽人欲作登高賦
睥鑿沽酒上繁臺千古興亡一回顧
百鳥喧啾塔半摧荆榛掩映臺前路
黃花采采未成歡目斷荒城起煙霧

張令鹿門圖

虞集

張侯襄陽人深知襄陽樂十年宦學懷襄

陽故托豪練寫山郭老我不樂思蜀都人
言嵩陽好隱居三十六峯常對面水作田
廬還可圖欲往不能心慄慄忽見新園被
山惱沙禽浦樹俱可人金澗石牀為誰好
向來耆舊皆英雄駕言從之道焉從弄珠
月冷識游女沉劍潭深知臥龍八月霜晴
水清淺聞道扁舟足迴轉何時古寺傍檀
溪幾處殘碑在江峴呼鷹臺高秋草多養

元詩 卷二 九
魚池中蓮。芙蓉波。蜀嵩未必不如此。我今不
遊。奈老何。張侯張侯。早結屋。莫待史詹為
君卜。要君隴上。課兒耕。好在魚梁白沙曲。

家兄孟修父輸賦南還

大兄五月來作客。八年不見頭總白。五人
兄弟四人在。每憶中郎淚沾臆。我家蜀西
忠孝門。無田無宅。惟書存。兄雖篋庫實。父
陰第竊微祿。承君恩。文章不如仲氏好。叔

氏最少。今亦老。五郎十歲。未知學。嗟我何
為。長遠道。諸兒讀書俱不多。又不力耕。知
奈何。憂來每得二三友。看花把酒臨風哦。
蜀山嵯峨歸未得。盤盤先壠臨川側。碧梧
翠竹手所移。應與青松各千尺。南風吹雪
河始冰。兄歸烏帽何裊裊。明年乞身向天
子。共讀父書歌太平。

書畫鶴

薛公少保昔畫鶴毛羽蕭條向寥廓通泉
縣壁久微茫故物都非古城郭長鳴獨步
貌閑暇解寫高情亦奇作田中芟草日應
長石上松花晚猶落赤壁江深孤月小白
雲野迴秋霄薄羣帝相從絳節朝八公許
製黃金藥誤嬰塵網迹易迷移名中洲夢
如昨借懸素壁憶真信忽有微風動林壑
碧虛寥寥積雪高直過蕭臺絕樓治

題李白郎官湖

范梈

當時郎官奉使出咸京仙人千里來相迎
畫船吹笛弄綠水何意芳洲遺舊名唐祠
蕪沒知何代惟有東流水長在黎侯獨起
梁棟之彷彿雲中昔軒蓋南飛越鳥北飛
鴻今古悠悠去住同富貴何如一杯酒愁
來無地酌西風大別山高幾千尺隔城正
與祠相值青猿夜抱月光啼挂在東湖之

石壁黎侯本在斗南家。執戈猶自憶煙霞。
祇擬將身報天子，不負胸中書五車。昨者
相逢玉闕下，別來幾日秋蕭灑。黃葉當頭
亂打人門前，繫著青驄馬。君今歸去釣晴
湖，我亦明年辭帝都。若過湖邊定相見，爲
問仙人安穩無。

王氏能遠樓

游莫羨天池鵬，歸莫問遼東鶴。人生萬事

須自爲跬步，江山即寥廓。請君得酒勿少
留，爲我痛酌。王家能遠之，高樓醉捧勾吳
匣。中劍斫斷千秋萬古愁。滄溟朝旭射燕
甸，桑枝正搭虛窻面。崑崙池上碧桃花舞
盡，東風千萬片。千萬片落誰家，願傾海水
溢流霞。寄謝尊前望鄉客，底須惆悵惜天
涯。

夏五月武昌舟中觸目

揭傒斯

雨。背。立。鳴。雙。鶴。短。蓑。開。合。滄。江。雨。青。山。
如。龍。入。雲。去。白。髮。何。人。泣。沙。語。船。頭。放。歌。
船。尾。和。逢。上。雨。鳴。蓬。下。坐。推。蓬。不。省。是。何。
鄉。但。見。雙。雙。白。鷗。過。

高郵城

高郵城。城何長。城上種麥。城下種桑。昔日
鐵不如。今為耕種場。但願千萬年。盡四海
外為封疆。桑陰陰。麥茫茫。終古不用城。與

隍

陽山。呈上人。訪予吳門寓舍。求為湘
竹詩。予辭以未見竹。上人不遠六十
里。自山中舁其竹而來。好有如此者。

欣然為賦長句

黃潛

道人來自陽山麓。手攜舊種千竿竹。小栽
方斛不盈尺。中有蕭湘江一曲。未信天工
能爾奇。不知地脉從誰縮。晴窻翳翳散煙

霧眼底森然立羣玉豈期我乃累此君蒙
 犯風埃走塵俗故山方遠重愁絕新句未
 成漸迫促黃岡之產大中祿政用材美剗
 其腹願言保此終天年歲莫山中伴幽獨

燕姬曲

一作楊

薩都刺

燕京兒女十六七顏如花紅眼如漆蘭香
 滿路馬塵飛翠袖籠鞭嬌欲滴春風淡蕩
 搖春心錦箏銀燭高堂深繡衾不暖錦鴛

夢。紫簾垂霧天沉沉芳年誰惜去如水春
 困著人倦梳洗夜來小雨潤天街滿院楊
 花飛不起

相逢行贈別舊友治將軍

并序

予遷官出閩舟行抵興田驛二十里許
 俄聞擊鳴金鼓應響山谷間隨見旌旗
 導前兵卒衛後中有乘馬者毳袍帕首
 徐行按轡屢目吾舟吾病久氣餒不能

元詩
無懼心也。頃之與田驛吏以行輿見逐。遂舍舟乘輿，嚮之旌旗兵卒，移導輿前。馬從輿後，輿行馬鳴途中，未敢交一語。迨莫至，邸舍燭光之下，毳袍者進曰：某乃建之五夫巡檢官，聞使君至，候此將一月矣。某嘗三識使君面，自都門一別，今已五載，使君豈遺忘之耶？僕驚謝曰：將軍何人也？答曰：某即使君舊友雲中。

也。執視久之，恍如夢寐，雲中復能紀予闕下丰采，時否耶？歷歷關河舊遊如隔世，乃對燭光夜道，故舊明日復同遊。武夷九曲者，茶酌酒臨流賦詩，出入丹崖碧嶂間，心與境會，天趣妙發，長歌劇飲，相與為樂。酒闌興盡，秋風淒淒，落木雨下，闕闕在望，復作遠行，予始見君而懼，次得君而喜，終會君而樂，又得名山水。

以發揮久別抑鬱之懷樂甚而復別別
而復悲悲復繼之以思也嗟夫人生聚
散信如浮雲地北天南會有相見因賦
詩復為相逢行以送之

一年相逢在京口笑解吳鉤換新酒城南
桃花正開白面青衫鞭馬走一年相逢
白下門短衣窄袖呼即君朝馳燕趙莫吳
楚逸氣自覺凌青雲一年相逢在關下東

家塞驢日相假有如臣甫去朝天泥滑沙
隄不敢打都門一別今年今年相逢滄
海邊千山木葉下如雨鴈聲墮地秋連天
將軍毳袍腰羽箭擁馬旌旗照溪面小官
不識將軍誰臥病孤舟強相見豈知此地
逢故人摩挲老眼開層雲舊遊歷歷似隔
世夜雨豈不思同羣郎君別後瘦如許無
乃從前作詩苦溪頭月落山館深翫燭猶

元詩 卷二 其
疑夢中語。人生聚散亦有時。且與將軍遊。
武夷弓刀挂在洞前樹。洞裏仙童來覓詩。
稽首武夷君。借我幔峰頂。分我紫霞漿。與
子連夜飲。左手招子喬。右手招飛瓊。舉觴
星月下。聽吹雙鳳笙。我酌一杯酒。持勸天
上月。勸爾長照人。相逢莫向關山照。離別
鳳笙換曲。曲未終。天風木杪吹晨鐘。拂衣
罷宴下山去。又隔雲山千萬重。

織女圖

蘭闈織錦秦川女。大姬啞啞弄機杼。小姬
織得何所思。驚嘆無人憐。雙語成都花發
江水春。門前馬嘶車轆轤。髻鬟雨珥看欲
墮。蛾眉八字畫不伸。良人一去無消息。冰
蠶吐絲成五色。柔腸九曲細於絲。萬縷春
愁正如織。綺窗睡起聞早鶯。西樓月落金
盤傾。暖霞拂地海棠曉。香雪灑戶梨花晴。

日長深院機聲動。梭影穿花飛。小鳳水心
驚起鴛鴦飛。花底不成蝴蝶夢。繡纈玉指
柔。且和香鉤小鞵。裁春羅。滿懷心事付流
水。盪日雪。錦生層波。佳人自古多。命薄風
裏楊花。隨處落。豈知醜婦嫁田家。生則同
衾死同椁。君不聞長安市上花滿枝。東家
蝴蝶西家飛。籠中鸚鵡喚新主。門外待兒
更故衣。又不聞田家婦。日掃春蠶。織布

催租縣吏夜打門。荆釵布裙。夫短袴。我題
此畫三嗟吁。百年醜好皆虛無。排雲使欲
叫閭閻。為我獻上幽風圖。

過嘉興

三山雲海幾千里。十幅蒲帆挂煙水。吳中
過客莫思家。江南畫船如屋裏。蘆芽短短
穿碧紗。船頭鯉魚吹浪花。吳姬盪槳入城
去。細雨小寒生綠紗。我歌水調無人續。江

上月涼吹紫竹春風一曲鷓鴣吟花落鴛
鴨滿城綠。

烏夜啼

宋 无

露華洗天天墮水燭光燒雲半空紫西施
夜醉芙蓉洲金絲玉簧咽清秋鼙鼓鞭月
行春雷洞房花夢耐不迴官中夜夜唳樓
烏美人日日歌吳歛吳王國破歌聲絕鬼
火日熒生碧血千年壞塚耕狐兔烏銜紙

錢挂枯樹觸饑無語滿眼泥曾見吳王歌
舞時烏夜唳唳誰身前歡樂身後悲空
留琵琶傳相思烏夜啼啼別離

戰城南

漢兵鏖戰城南窟雪深馬僵漢城沒凍指
控弦拍斷折寒膚者鐵肩鞞裂軍中七日
不火食手殺降人吞熱血漢懸千金購首
級將士銜枚夜深入天愁地黑聲啾啾鞞

下。髑。髏。相。對。泣。偏。裨。背。負。八。十。創。破。旗。裏。
尸。橫。道。旁。殘。卒。忍。死。哭。空。城。露。布。獨。有。都。

護名

答祿將軍射虎行并 廼賢

答祿將軍世為乃蠻部主歸國朝拜隨
額萬戶平金有功事其國史其出守信
陽射虎之事尤偉曾孫與權舉進士為
秘書郎官與余雅善聞言其事因徵作

歌

將軍部的瀚海東三千鐵騎精且雄久知
天命屬真主奮身來建非常功世祖神謨
涵宇宙坐使英雄皆入彀十年轉戰淮蔡
平帳下論功封大守信陽郭外山嵯峨長
林大谷青松多白額於菟踞當道城邊日
落無人過將軍聞之毛髮豎拔劍誓天期
殺虎亦弓走馬出東門傾城來看誇豪武

不詩
猛虎磨牙當路。嗥目光睽。睽。尾搖。據鞍。
一叱雙臂裂。鳥飛木落。風蕭蕭。金。張。弮。弓。
鐵絲箭滿。月弦開。正當面。離。翎。射。沒。錦。毛。
摧。崖。石。崩。騰。腥。血。濺。萬。人。歡。笑。聲。震。天。剖。
開。一。箭。當。心。穿。父。老。持。杯。馬。前。拜。祝。公。眉。
壽。三。千。年。將。軍。立。功。期。不。朽。青。事。相。傳。在。
人。口。可。憐。李。廣。不。封。侯。却。喜。將。軍。今。有。後。
承。平。公。子。秘。書。郎。又。場。自。步。雪。穿。揚。咫尺。

風雲莽。變鳴珂。曳履登明堂。
虎既剖箭 該正貫子

中心

風雨渡揚子江

吳棻

大江西來。自巴蜀直下。萬里流。吳楚我從。
揚子指蒜山。舊讀水經。今始觀平生壯志。
此景奇。一葉輕舟。傲煙雨。怒風鼓浪。屹於。
城滄海。輪潮開水府。淒迷艷。灑恍如見。滂。
澆扶桑。杳何所。須臾草樹皆動。搖稍。稍。鼉。

龍欲掀舞黑雲鯨漲頗心掉明月貝宮終
色悔吟倚金山有莫鐘望窮采石無朝艫
誰歟敲齒咒能神或有偃身言莫吐向來
天塹如有限日夜軍書費傳羽三楚畸民
類魚鼈雨准大將猶能虎錦帆十里徒映
空鐵鎖千尋竟然炬桑麻夾岸收戰塵蘆
葦成林出漁戶寧知造物絕兒戲且攬長
川入尊俎悲哉險阻惟白波往矣英雄幾

黃土獨思萬載疏鑿功吾欲持觴酌神禹

桐廬夜宿

吳師道

合江亭前秋水清歸八罷市無餘聲燈光
隱見隔林薄濕雲閃露青熒熒樓臺漸稀
燈漸遠何處吹簫猶未斷淒風冷葉下高
桐半夜仙人來絕巘江霏山氣生白煙忽
如飛雨洒我船倚篷獨立久未眠靜看水
月搖清圓

